



## **Universitätsbibliothek Paderborn**

**S. Avrel. Avgvstini Confessionvm Libri X**

**Augustinus, Aurelius**

**Coloniae, 1646**

Cap. XVIII. Viam ad fruendum Deo, Christum se nobis præbuisse, per  
humilitatis magisterium.

**urn:nbn:de:hbz:466:1-10120**

nugas. Qua in miseria consultissimum est cum S. D. vilitatem suam agnoscere, & se indignum quidem aestimare rerum divinarum meditatione : nihilominus tamen retinere amantem memoriam, & mentem quasi olfacta cum gemitu desiderantem, quo pacto mendicus ante fores divitis, ubi nidorem epularum percepit, cum suspirio eas delicias olfacit, ad quas fortuna sua & vilitas eum non admittit.

## C A P. XVIII.

*Viam ad fruendum Deo, Christum se nobis præbuisse, per humilitatis magisterium.*

I. E T quærebam viam comparandi roboris, quod esset idoneum ad fruendum te : nec inveniebam, donec amplecte-

II Tim. 2. 5. rer mediatorem Dei & hominum, hominem Christum

Rom. 9. 5. Iesum, qui est super omnia Deus benedictus in secula,

Ioan. 14. 6. la, vocantem & dicentem : Ego sum via, veritas, & vita.

Et cibum, cui capiendo invalidus eram, a miscentem se carni ; quoniam verbum caro factum est, ut infantæ nostræ lactesceret sapientia tua, per quam creaisti omnia.

Ioan. 1. 14. Non enim tenebam dominum meum Iesum Christum humili humilem : nec cuius rei magistra esset ejus infirmitas, novitatem.

Verbum enim tuum æterna veritas, superioribus creaturæ tuæ partibus supereminens, subditos erigit ad seipsum. In inferioribus autem ædificavit sibi humilem domum de limo nostro, per quam subdendos

deprimeret à seipsis, & ad se trajiceret, sanans tumorem, & nutriendis amorem. Ne fiducia sui progrederentur longius, sed potius infirmarentur, videntes ante pedes suos infirmam divinitatem, ex participatione tunc

nicæ pelliceæ nostræ : & lassi prosternerentur in eam , illa autem surgens levaret eos.

## N O T A E.

- a *Miscentem se carni, &c.)* Miscuit Christus divinitatem suam, cui capiendæ invalidi eramus, carni nostræ , ut nobis , quemadmodum ait S. Leo & humilitate congrueret, & divinitate præcelleret : nisi Serm. 1. de nativ. enim esset homo verus , non præberet exemplum. Lac nobis præbuit divina sapientia , & per humanitatis humilitatem depressit superbiam nostram : ut nos erigeret ad divinitatis amorem in terris , & perduceret ad ejus fruitionem in cælis.

## C A P. XIX.

*In Christo se primum excellentis Sapientia autoritatem, item corpus & animam, non vero divinitatem agnovisse, quam Christi animam esse Alipius cum Apollinarii credidit.*

1. a **E**go vero aliud putabam, tantumque sentiebam de Domino Christo meo , quantum de excellentis sapientiae viro , cui nullus posset æquari ; præsertim , quia mirabiliter natus ex virgine , ad exemplum contemnendorum temporalium pro adipiscenda immortalitate , divina pro nobis cura, tantam autoritatem magisterii meruisse videbatur. Quid autem sacramenti haberet ; *verbum caro factum*, ne suspicari quidem poteram. Tantum cognoveram ex iis, quæ de illo scripta traderentur (quia manducavit, babit, dormivit, ambulavit, exhilaratus est, contristatus est, sermocinatus est) non hæsisse carnem illam verbo tuo , nisi cum